

定靜慮中間上七近分於未至定中攝有漏  
無漏依此能滅欲界繫乃至非想非非想處  
繫天趣故若說此依究竟滅說者彼說未至  
言攝未至定靜慮中間於未至定中惟攝無  
漏依此能滅非想非非想處繫天趣故由此  
故言依七或未至滅

說一切有部發智大毗婆沙論卷第一百七十二心二  
捺落迦上如釘釘上欬然上據居御間  
隙下丘踰繕那上羊朱反反嗥上白塔下  
善逆燄上煨上烏上鋒上利上白塔下  
刺七賜上鹹上鹹上逼上琰上魔卒上  
利七賜上鹹上鹹上逼上琰上魔卒上

沒反素上但上纜上中下丁下達上反反閻上鈍上暗上字上同上吒上蟲上  
家反孃上矩上俱上兩上娘上下下淡上反反子上委上反反必上角上烏上鷓上  
脂反狐上狸上力上之上胡上下下糝上多上比上音上烟上糞上壤上兩上汝上  
廁上溷上困上反上初上使上反上作上園上胡上坑上漸上下下反上防上邏上賀上反上渚上  
音上你上乃上介上反上首上冠上貫上下下音上擊上亂上紅上薄上枯上悴上下下反上  
裸上形上又上玄上瓦上反上乞上句上蓋上下下音上號上頸上居上領上反上

阿毗達磨大毗婆沙論卷第一百七十三 心三

五百大阿羅漢等造 三藏法師玄奘奉詔譯

定蘊第七中攝納息第三之八

五妙欲者謂眼所識可愛可喜可樂如意能  
引欲可染著色乃至身所識可愛可喜可樂  
如意能引欲可染著觸問何故作此論答為  
欲分別契經義故如契經說眼所識可愛可  
喜乃至廣說契經雖作是說而不廣分別契  
經是此論所依根本彼所不說者今應說之  
故作斯論云何眼所識色妙欲答若色欲界  
眼觸所生愛所緣境云何耳所識聲妙欲答  
若聲欲界耳觸所生愛所緣境云何鼻所識  
香妙欲答若香鼻觸所生愛所緣境云何舌  
所識味妙欲答若味舌觸所生愛所緣境云  
何身所識觸妙欲答若觸欲界身觸所生愛  
所緣境問意所識法何故不立妙欲耶答皆  
是愛所緣者立妙欲意所識法有非愛所緣  
故不立妙欲復次若法為二種愛所緣者立

妙欲謂眼觸所生愛意觸所生愛乃至身觸所生愛意觸所生愛意所識法但為二種愛所緣謂意觸所生愛是故不立妙欲問若介初靜慮色聲觸應立妙欲亦為二種愛所緣故答若法為二種愛所緣而被愛是不善者立妙欲初靜慮色聲觸雖為二種愛所緣而

彼愛是無記故不立妙欲如不善無記欲愛色愛說亦亦有說若法為二種愛所緣而是姪因緣愛者立妙欲初靜慮色聲觸雖為二種愛所緣而非姪因緣愛故不立妙欲以是義故意所識法不立妙欲復次若法是其所受用者立妙欲如女相續男所受用男相續

女所受用等意所識法非共受用故不立妙欲復次若法體相麤顯多生愛者立妙欲意所識法體相微細非多生愛故不立妙欲已說自性所以今當說問何故名妙欲答此欲妙故名為妙欲問此皆有漏多諸過失有何功德說名為妙答此中亦有少分功德謂能

生喜樂是故云妙復次諸欲下賤而耽欲者分別增益取為淨妙故說為妙復次諸欲稱可欲貪者意故說為妙復次諸欲是耽欲者保護希尚故說為妙復次此能隨順增長貪欲愛味故說為妙尊者妙音說曰此是愚夫起妙想處故名為妙尊者世友說曰此是諸

心三

二

習欲者所愛所喜所樂所求故名妙欲尊者覺天說曰諸欲雖非勝義妙而是世俗妙雖非究竟妙而是暫時妙謂能少時引生喜樂息諸苦故大德說曰諸欲下劣而似淨妙故說為妙由此因緣故名妙欲如契經說具壽迦莫迦往至佛所頂禮佛足白佛言世尊佛

常說欲欲為顯何事佛言欲者即五妙欲何等為五謂眼所識可愛可喜可樂如意能引欲可染著色乃至廣說問勝義欲者謂愛何故世尊說色等名欲答是欲具故名欲如樂具名樂垢具名垢漏具名漏此亦如是問何以得知勝義欲惟是愛答由阿笈摩故如尊

者舍利子說伽他言

世諸妙境非真欲 真欲謂人分別貪

妙境如本住世間 智者於中已除欲

尔時有一邪命外道不遠而住即時以頌詰

舍利子言

若世妙境非真欲 說欲是人分別貪

苾芻應名受欲人 起惡分別尋思故

時舍利子報外道言起惡尋思實名受欲復  
為外道說伽他言

若世妙境是真欲 說欲非人分別貪

汝師應名受欲人 恒觀可意妙色故

時彼外道默不能報故知實欲是愛非境契

心三

三

經中說欲生有三一有諸有情樂受現前諸  
妙欲境彼於如是現欲境中自在而轉謂人  
及天一分人者全攝人趣天一分者謂下四  
天二有諸有情樂受自化諸妙欲境彼於自  
化妙欲境中自在而轉謂第五樂變化天三  
有諸有情樂受他化諸妙欲境彼於他化妙

欲境中自在而轉謂第六他化自在天問依  
何建立此三欲生答依受如生現前欲境故  
立第一依受如樂自化欲境故立第二依受  
如樂他化欲境故立第三問何故人及前四  
天眾合立欲生後二天眾各別建立答人及  
前四天煩惱麁後二天煩惱細復次人及前

四天煩惱利後二天煩惱數復次人及前四  
天煩惱重後二天眾煩惱輕是故人及前四  
天摠立後二天別立有說人及前四天境不  
熾盛後二天境界熾盛復次人及前四天境  
不豐盈後二天境界豐盈復次人及前四天  
境不淨妙後二天境界淨妙復次人及前四

天境不奪心後二天境界奪心復次人及前  
四天境不能令諸根醉悶後二天境界能令  
諸根醉悶是故人及前四天合立後二天別  
立有說人及前四天去離欲道遠婬事難息  
是故合立後二天去離欲道近婬事易息是  
故別立有說人及前四天相觸成婬是故合

立第五天共笑成婬第六天相視成婬故各  
 別立此依喻顯婬事時量差別而說如前已  
 辯有說人及前四天同樂受用自然生境故  
 合立一第五天衆獨樂受用自所化境第六  
 天衆獨樂受用他所化境故各立一此五妙  
 欲惟欲界繫是故但依未至定滅

五學處者謂離斷生命離不與取離欲邪行  
 離虛誑語離飲諸酒此五廣說如業蘊皆欲  
 界繫故惟依未至定滅

六內處六外處六識身六觸身六受身六想  
 身六思身六愛身依何定滅答五內處色聲  
 觸外處依四或未至意內處法外處意識身

心三

四

及彼相應觸受想思愛身依七或未至香味  
 外處鼻舌識身及彼相應觸受想思愛身依  
 未至眼耳身識身及彼相應觸受想思愛身  
 依初或未至問何故於此依六法而作論答  
 彼作論者意欲令故隨彼意而作論但不違  
 法相便不應責復次不應問作論者意此是

契經所說故佛於經中處處說此諸六法門  
 而不廣分別契經是此論所依根本彼所不  
 分別者今應分別故作斯論問置作論者意  
 即佛經中何故說此六法門耶有說為顯五  
 蘊及彼因故謂若說前五內處前五外處及  
 法處一分則顯色蘊若說六受身及法處一

分則顯受蘊若說六想身及法處一分則顯  
 想蘊若說六觸身及法處一分則顯行蘊若  
 說六識身及意處則顯識蘊若說六思身六  
 愛身則顯五蘊因如契經說業為生因愛為  
 起因生起即是所得五蘊有說為顯業煩惱  
 若三種集故謂若說六思身則顯業集若說

六愛身則顯煩惱集若說餘六則顯苦集如  
 為顯業等三集如是為顯業等三生業等三  
 道應知亦令諸六自性雜蘊等已說然前五  
 內處及色聲觸外處皆五地繫故依四或未  
 至滅於中欲界繫者依未至定滅乃至第四  
 靜慮繫者依四靜慮未至定靜慮中間空無

心三

五

邊處近分滅然此中所說定者有說依無漏定說有說依有漏無漏定說如前分別所說滅者若說依種類滅說者彼說未至言攝未至定靜慮中間上四近分於未至定中攝有漏無漏依此能滅欲界繫乃至第四靜慮繫五內處及色聲觸外處故若說依究竟滅說者彼說未至言攝未至定靜慮中間空無邊處近分於未至定中惟攝無漏依此能滅第四靜慮繫五內處及色聲觸外處故由此故言依四或未至滅意內處法外處意識身及彼相應觸受想思愛身皆九地繫及有不繫者彼九地繫者依七或未至滅於中欲界繫者依未至定滅乃至非想非非想處繫者依七根本未至定靜慮中間滅然此中所說定者有說無漏有說有漏無漏如前分別所說滅者若說依種類滅說者彼說未至言攝未至定靜慮中間上七近分於未至定中攝有漏無漏依此能滅欲界繫乃至非想非非想

處繫意處等故若說依究竟滅說者彼說未至言攝未至定靜慮中間於未至定中惟攝無漏依此能滅非想非非想處繫意處等故由此故言依七或未至滅香味外處鼻舌識身及彼相應觸受想思愛身皆欲界繫故惟依未至定滅眼耳身識身及彼相應觸受想

思愛身皆二地繫故依初或未至滅於中欲界繫者依未至定滅初靜慮繫者依初靜慮未至定靜慮中間第二靜慮近分滅然此中所說定者有說無漏有說有漏無漏如前分別所說滅者有說依種類滅說有說依究竟滅說隨其所應亦如前分別由此故言依初或未至滅

七識住八世法九有情居十業道依何定滅  
答初識住八世法初有情居十業道依未至  
第二識住有情居依初或未至第三識住有  
情居依二或未至第四識住有情居依三或  
未至第五有情居依四或未至第五識住第

心三

六

六有情居依五或未至第六識住第七有情居依六或未至第七識住第八第九有情居依七或未至七識住如大種蘊廣說於中初識住惟欲界繫故但依未至定滅第二識住初靜慮繫故依初靜慮未至定靜慮中間第二靜慮近分滅第三識住第二靜慮繫故依初二靜慮未至定靜慮中間第三靜慮近分滅第四識住第三靜慮繫故依初三靜慮未至定靜慮中間第四靜慮近分滅第四識住空無邊處繫故依五根本未至定靜慮中間識無邊處近分滅第六識住識無邊處繫故依六根本未至定靜慮中間無所有處近分滅第七識住無所有處繫故依七根本未至定靜慮中間非想非非想處近分滅然此中所說定者有說無漏有說有漏無漏如前分別所說滅者此中無有種類滅究竟滅二說差別以各各但是一地繫故

八世法者一利二無利三譽四非譽五讚六

毀七樂八苦問何故作此論答欲止他宗顯已義故謂分別論者及大眾部師執佛生身是無漏法彼何故作是說依契經故如契經說如來生世住世出現世間不為世法所染彼依此故說佛生身是無漏法又彼說言佛一切煩惱并習氣皆永斷故云何生身當是有漏為止彼意顯佛生身但是有漏非無漏法故作斯論問云何知佛生身是有漏法答如契經說苾芻當知無明所覆愛結所繫愚夫感得有識之身聰明者亦然佛生身既是無明愛果故知非無漏法又契經說十處二少分是有漏由此故知佛生身定是有漏若佛生身無漏者無比女不應生貪失掘利魔羅不應生瞋辱盧頻螺迦葉波不應生癡慢慢婆羅門不應生慢以佛生身生他貪瞋癡慢故知定是有漏問若余彼所引經當云何通答彼經密意說佛法身謂如來生世住世者說佛生身出現世間不為世法所染者說

佛法身復次世法者即世八法如來不為世八法所染故言世法不染非謂無漏謂世八法隨順世間有情世間有情亦隨順世八法世八法隨順如來如來不隨順世八法故說如來非世法所染復次如來離世八法故言不染非謂無漏問如來亦有世八法何故言

離有利者如鄔揭羅長者於一日中以三千衣服施佛時縛迦醫王等八十人於一日中各奉佛百千雙橋舍耶衣無利者如佛一時著衣持鉢入娑羅婆羅門村乞食空鉢而入空鉢而出有譽者佛初生時名至他化自在天得阿耨多羅三藐三菩提時名至色究竟

竟天轉法輪時名至梵天非譽者如佛一日遭戰遮婆羅門女誹謗又於一時因孫陀利女惡聲聞於十六大國有毀者如跋羅惰聞惡口婆羅門以五百頌現前罵佛有讚者如即彼婆羅門以佛容色不異故便生淨信復以五百頌現前讚佛尊者舍利子以衆多頌

現前讚佛無上功德尊者阿難陀以衆多頌現前讚佛希有妙法如是鄔波離婆耆奢尼羅部底等諸大論師皆以百千伽他現前讚佛有樂者佛有殊勝身心受樂及輕安樂一切有情所不能及有苦者世尊亦有背痛頭痛竭地羅刺傷足及迸石傷指出血如是等

三

法世尊皆有何故言離答彼皆不能令佛生染故名爲離謂佛世尊雖遇利等四法而心不高雖遭無利等四法而心不下又雖遇利等四法而心不歡雖遭無利等四法而心不感又雖遇利等四法而心不染故生喜雖遭無利等四法而心不憎故生憂又雖遇利等

四法而不生愛雖遭無利等四法而不生恚譬如妙高山王任金輪上八方猛風所不能傾動世尊亦任戒金輪上世間八風所不能動是故名爲不爲世法之所染汚非謂生身是無漏故說爲不染問如來於一切煩惱并習氣皆已永斷云何當說是有漏耶答

雖自身中諸漏永斷而能增長他身漏故又從先時諸漏生故說為有漏是故為止他宗顯已義故而作斯論此中利者有二種一有命二無命有命利者謂得象馬牛羊妻子僮僕等無命利者謂得金銀等寶衣服等物無利者謂即不得前二種利譽者謂不現前讚

美非譽者謂不現前毀訾讚者謂現前讚美毀者謂現前毀訾樂者謂欲界身心樂有說惟取五識相應樂苦者謂欲界身心苦有說惟取五識相應苦問此八世法幾界幾處幾蘊所攝答有命利十七界十一處五蘊所攝除聲聲非恒有故即屬身故無命利四界四

心三

九

處一蘊所攝謂色香味觸界處色蘊無利譽非譽讚毀樂苦二界二處三蘊所攝謂聲法界處色受行蘊此中無利法界法處行蘊所攝以無利是不成就故譽非譽讚毀聲界聲處色蘊所攝樂苦法界法處受蘊所攝若摠說八世法則十八界十二處五蘊所攝有說

利無利俱十八界十二處五蘊所攝以所得及所不得俱通十八界等故餘如前說有說利無利俱法界法處行蘊所攝以利無利用成就不成就性為體故餘如前說問何故此八說名世法答世間有情所隨順故名為世法世間有情若遇利等四法其心則高若遭

無利等四法其心則下又若遇利等四法心則生歡若遭無利等四法心則生感又若遇利等四法心則染故生喜若遭無利等四法心則憎故生憂又若遇利等四法心則生愛若遭無利等四法心則生恚故此八種名為世法如來於此心不隨順故說不為世法所

染問聲聞獨覺愛恚斷故亦不隨順如是八法何故不說答彼不定故謂有不染如不動法者或復有染如退法等復次二乘猶有相似法故謂阿羅漢愛恚雖斷而有愛恚相似餘習如二阿羅漢俱是不時解脫同止一處一則多得敬養名稱一則不得彼得者便似

自高如有喜愛彼不得者便似自下如有憂感故不說為世法不染惟佛永拔愛恚習氣假使一切有情皆得勝利恭敬名譽如來不得一毫之分終無自下似憂感相反生慶悅設佛獨得一切勝利恭敬名譽諸餘有情無一毫分終無自高如喜愛相反生慈愍故佛

獨稱世法不染又佛世尊得利不高慢習斷故無利不下樂遠離故得譽不歡愛習斷故非譽不感得無畏故讚不生喜憍習斷故毀不生憂住空三摩地故樂不生愛住無願三摩地故苦不生恚似無相三摩地故此八世法惟欲界繫故但依未至定滅

心三

十

九有情居廣說如大種蘊於中七種滅義如七識住說第五有情居第四靜慮繫故依四靜慮未至定靜慮中間空無邊處近分滅第九有情居非想非非想處繫故依七根本未至定靜慮中間滅然此中所說定者有說無漏有說有漏無漏如前分別此中亦無種類

滅究竟滅二說差別如各各但是一地繫故十業道廣說如業蘊於中十不善業道惟欲界繫故但依未至定滅前七善業道五地繫及不繫欲界繫者依未至定滅乃至第四靜慮繫者依四靜慮未至定靜慮中間空無邊處近分滅後三善業道九地繫及不繫欲界

繫者依未至定滅乃至非想非非想處繫者依七根本未至定靜慮中間滅然此中依不善業道近對治欲界善業道說故但言依未至定滅

四靜慮四無量四無色八解脫八勝處十遍處依何定滅答初靜慮依初或未至第二靜

慮喜無量初二解脫前四勝處依二或未至第三靜慮依三或未至第四靜慮三無量淨解脫後四勝處前八遍處依四或未至空無邊處及彼解脫遍處依五或未至識無邊處及彼解脫遍處依六或未至後一無色後三解脫依七或未至此中四靜慮乃至十遍處

心三

十一

如餘處廣說其四靜慮各自地繫及不繫自地繫者各依自下根本地未至定靜慮中間及次上近分滅然所說定者有漏無漏如前分別所說滅者此中無有種類滅究竟滅二說差別以各各但是一地繫故四無量中喜無量初二靜慮繫故依二或未至滅餘三無

量四地繫故依四或未至滅於中差別隨應如前然所說定者有漏無漏如前分別所說滅者有說依種類滅說有說依究竟滅說隨其所應如前分別然於未至定中皆惟攝無漏應知四無色中前三無色各自地繫及不繫自地繫者各依自下根本地未至定靜慮

中間及次上近分滅後一無色惟有自地繫依七根本未至定靜慮中間滅然所說定者有漏無漏如前分別然後一無色惟應依無漏定說所說滅者此中亦無種類滅究竟滅二說差別亦各惟是一地繫故八解脫中初二解脫如喜無量說下三無色解脫如下三

無色說後一解脫如第四無色說淨解脫第四靜慮地繫故依四靜慮未至定靜慮中間空無邊處近分滅此中所說定及所說滅皆如第四靜慮說八勝處中前四勝處如初二解脫說後四勝處如淨解脫說十遍處中前八遍處如後四勝處說空無邊處遍處惟自

地繫故依五根本未至定靜慮中間識無邊處近分滅識無邊處遍處亦惟自地繫故依六根本未至定靜慮中間無所有處近分滅然此中所說定者有漏無漏如前分別所說滅者亦無種類滅究竟滅二說差別亦各惟是自地繫故

他心智世俗智依何定滅若他心智依四或未至世俗智依七或未至此中他心智世俗智如餘處廣說然他心智四地繫及不繫初靜慮繫者依初靜慮未至定靜慮中間第二靜慮近分滅乃至第四靜慮繫者依四靜慮未至定靜慮中間空無邊處近分滅然此中

十二末

書

所說定者有漏無漏如前分別所說滅者有說依種類滅說有說依究竟滅說亦隨所應如前分別世俗智九地繫欲界繫者依未至定滅乃至非想非非想處繫者依七根本未至定靜慮中間滅然此中所說定及所說滅皆隨所應如前分別由此故言依七或未至滅

說一切有部發智大毗婆沙論卷第一百七十三 心三

航反丁含阿笈下渠詰起一央掘下其鄔盧上

傲慢上吾歸揭下居惰徒揭地上丘逆反感會借些紫二同

阿毗達磨大毗婆沙論卷第一百七十四 心四

五百大阿羅漢等造三藏法師玄奘奉詔譯

定蘊第七中不還納息第四之一

有五不還謂中般涅槃生般涅槃有行般涅槃無行般涅槃上流往色究竟為五攝一切為一切攝五耶如是等章及解章義既領會

乙 意明

已應廣分別問何故作此論答為欲分別契經義故如契經說有五不還謂中般涅槃乃至廣說彼經雖作是說而不明為五攝一切為一切攝五亦未曾顯勝劣差別今欲具明故作斯論

攝一切不攝何等謂現法般涅槃及往無色不還此中一切多非五故一切攝五非五攝一切猶如大器覆於小器非小器覆大一切者謂七不還印前五并現法般涅槃及往無色不還於中後二非五所攝故名為多問亦有不定般涅槃者謂或於欲界而般涅槃或於色界而般涅槃或於無色界而般涅槃此中何故不說答應說而不說者當知此義有餘復次彼即攝在七不還中故不別說謂彼若在欲界般者即現法般涅槃攝色界般者即五不還攝無色界般者即往無色不還攝問亦有轉生般涅槃者謂彼或從極七返有